


امور تحریریه ایچون فؤاد بک
وامور اداره ایچون آرتین افندییه
مراجعت اولنور.



مسلكمزه موافق آثار قبول اولنور.
درج اولنمیان اوراق اعاده اولنماز.

معارف

اداره خانه سی باب عالی جاده سنه
۵۲ نومرولی « شرکت مرتبیه »
طبعه سیدر.



استانبول ایچون سنه لکی مطبعه دن
آلنق شرطیه ۴۰ طشر دلره پوسته
اجرتیه برابر ۶۰ غروشدرد.

نسخه سی ۱ غروش

پنجشنبه کونلمری نشر اولنور ادبی، فنی و صناعی غنیه در

نسخه سی ۱ غروش

موفق اولشمدر. بوندن صوکره بحر محیطده
ایکی قابلو دها وجوده کتیرلشد.

شوراسی شایان تذکاردرکه قابلولرک
ایلاک تأسس ایتدیکی شو زماندرده خط
مذکور واسطه سیله چکیان یکریمی کلهک
بر تلغرافنامه ایچون یکریمی لیرا استرلین
اجرت ویرمک لازم کلیردی. بوکون ایسه
بحر محیط اطلسیده اون بر قابلو موجود
ودیکر ایکی خطده دردست تأسیس بولندی
جهتله تلغرافنامه لرک هر کله سی ایچون
برشیلین اجرت آلتقدردر.

ممالک شرقیه ده ایلاک قابلو بر هند
قومپانیسی معرفتیه بحر اهرده تمدید
ایدلی (سنه ۱۸۵۹). بوخط سویشدن
عدنه و اورادن ده «کوراش» قدر متمد
اولدینی حالده مخبرات مطلوب وجهله تکثر
ایتمدیکندن قومپانیسی اظهار افلاس ایتیش
وخط معطل و متروک قالمش ایدی.

۱۸۶۰ سنه سنده مالطه جزیره سندن
اسکندریه بر قابلو تمدید اولوب ایشته
بوخطدن پک زیاده استفاده ایدلی. مؤخرآ
یاواش یاواش قابلولر تکثر، قومپانیس لر شکل
ایده رک خطه شرقیه نک بوکون آوروپانک
هان هرطرفی ایله مخبرات ومناسباتی برکال
بولنشد.

فائده لی رجته لر

آتون حلیات ومنزله ایشیل بررنک
ویرمک ایچون:

۱۲۰ غرام خلیت نحاس (زنکار)

۱۲۰ » نشادر توزی

۴۵ » نترات دو پوتاسیوم

۱۶ » سولفات دوزینغ

بالاده محرر المقدار اجزائی سحق ایله

قوتلی سرکه دزوننده خل ایدیکر، صوکره
آشه وضع ایله قاینایکیز.

محلول مذکور درونه صوقیلان مواد
ذهبیه مطلوب اولان رنگی حاصل ایلر.

پترول غازی ایله تسخین

شیقاغو سرکیسندن بالعموم تسخینات
پترول ایله اجرا اولنمش ایدی. بویولده صرف
اولان پترولک مقداری ۳۱,۰۰۰ طونیاذه
بالغ اولمش و حصوله کتیردیکی قوه میخانیکه
۳۲,۰۰۰,۰۰۰ بیکیر قوته معادل بولنشددرکه
شو حسابدن تقریباً برکیلوغرام پترول
غازینک بریکیر قوتی حاصل ایتدیکی آکالا-
شیلور. تسخینات صالونی الی ایکی «ژنه»
راتور «ی حاوی اولوب ۲۱۰ قیل اشعال
اولنمش ایدی.



وصایای صحیه


جوق یازی یازان ویاخود مطالعیه
مجبور اولان ویا زیاده سیله اتماب نظره
محتاج برصنعتله اشتغال ایدن کسه لر ایکی
ساعت قدر مشغول اولدقلری حالده برآز
فاصله ویره رک تنفسله برابر اراحه ابصار
ایدرلر ایسه پک ای ایتیش اولورلر.

برده یازی یازه جقلری ویاخود برشی
او قویه جقلری ویا دیگر برایشله مشغول
اوله جقلری زمان بروجهله او طورمه لیدرلرکه
ضیا ابتدا صول کوزلرینه عکس ایتسون
یعنی بنجره ویا فانوس صول طرفلرنده
بولسون. بووضع سایه سنده کوزلر او قدر
یورولماز.

یکی بر جسم

آلمانیا مشاهیر کیمیا کرانندن بر ذات
اخیرآ یکی بر جسم کشفنه. موفق اولمشدر.
جسم مذکور اجسام سارده ده موجود اولمیان
بر خاصه عجیبیه مالک اولوب حرارته معروض
اولنجه تصلب ایتمکده و صفر درجهیه قدر
آشانی برهویه عرض ایدیلنجه ینه مایع
حاله عودت ایله مکده در.

«قری اوستاز Cryostaz» نامی ویرلش
اولان بو ماده مساوی مقدارلرده فنول،
کافور وسایونین ایله آز مقدارده ترمه متی
روحنک ترکیب وامتزاجیه حصوله کلکده در.
بو جسمک اصل شایان تقدیر واهمیت
کورولمه سی سالف البیان حرارته تصلب
ایتدکن صوکره برودنده ینه مایع حاله
عودت ایتمه سی اولوب اگرچه آلومین کبی
بعض اجسام برآز حرارته تصلب ایتمکده
ایسه صوکره دن نه قدر صغوق هوایه عرض
ایدلسه تکرار مایع حاله کتیرلمه سی ممکن
دکلدر.



کوش قابلری تمیزله مک اصولی

کوش قابلری تمیزله مک ایچون ده اک
ساده واسطه تحت کبریتیت سودا محلولینک
استمالیدر. بو محلوله برپچاوره یاخود برفورچه
باتیریلهرق بونکله کوش قابلر سیلنه جک
اولور ایسه لکدر کاملاً زائل اولور وقابلر
بررونق تازه کسب ایلر.

بونکله برابر اینجه تباشیر توزی استعمال
اولندیغی حالده دها کوزلر بر نتیجه حاصل اولور.

